



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-17-22/19

Datum: 23.5.2019. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“, broj 56/08) i člana 70. Zakona o javnim nabavkama („Službeni glasnik BiH“, broj 39/14), direktor Agencije za identifikacione dokumente, evidenciju i razmjenu podataka Bosne i Hercegovine donosi sljedeću:

ODLUKU **o izboru najpovoljnijeg ponuđača**

I

Najpovoljniji ponuđač u postupku javne nabavke auto-guma i potrošnog materijala, objavljenom na web portalu Agencije za javne nabavke Bosne i Hercegovine, broj obavještenja 1110-1-1-9-3-8/19 od 6.3.2019. godine, koji je proveden u skladu sa procedurom otvorenog postupka, je GUMA M d.o.o. Mostar.

II

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za provođenje postupka nabavke je konstatovala da je rok za dostavljanje ponuda 16.4.2019. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača: GUMA M d.o.o. Mostar i TOTAL TRADE d.o.o. Dobj. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u



kojem su detaljno obrazloženi razlozi za izbor najpovoljnijeg ponuđača, te je ocijenjeno da su obje dostavljene ponude prihvatljive.

Komisija je prilikom provjere računske ispravnosti ponuda utvrdila računske greške i u jednoj i u drugoj ponudi, te su u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, broj 90/14), izvršena ispravka uočenih računskih grešaka. Ponuđačima su potom dana 15.5.2019. godine, pisanim putem, upućeni zahtjevi za prihvatanje ispravaka.

Ponuđač GUMA M d.o.o. Mostar je dopisom od 16.5.2019. godine dostavio odgovor kojim prihvata ispravku računske greške i nova, ispravljena i prihvaćena ukupna cijena ponude sa uračunatim PDV-om i popustom iznosi 13.608,55 KM, dok ponuđač TOTAL TRADE d.o.o. Doboj, u roku koji mu je ostavljen, nije dostavio odgovor kojim prihvata ispravku računske greške, te se, u skladu sa tačkom 7.5. Tenderske dokumentacije i na osnovu stava 4. tačka g) člana 68. Zakona o javnim nabavkama ponuda istog ima odbaciti.

Na osnovu analize ponuda i postupanja ponuđača u vezi računskih grešaka Komisija je utvrdila sljedeće:

Najpovoljnija je ponuda ponuđača GUMA M d.o.o. Mostar sa ukupnom cijenom od 11.631,24 KM bez PDV-a, odnosno 13.608,55 KM sa PDV-om. S obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC
дигитално потписано / digitalno potpisano / digitally signed